

Protocol no. 56
Sezzüda da lündeschdi, 19 avrigl 2010, 20.00 – 22.35

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 55 da la sezzüda dals 12 avrigl 2010 vain approvà.

459 021 FABRICA
Uina SA – Chava da glera – Parnarsura

Il schef da fabrica orientescha sur da l'explotaziun transitoria planisada illa chava da glera a Parnarsura. Tenor infuormaziuns toleress il Chantun fin 10'000 m3. La prada sùtta in quella zona para dad esser suot protecziun naziunala, voul dir scha in quella vain fat alch as stoja cumpensar quai cun masüras in ün oter lö. Illa prosma sezzüda dal Cussagl cumünal gnarà quista fatschenda trattada per laschar ir la dumonda da fabrica al Chantun per la procedura da BAB.

460 100 REGISTER FUNDIARI
Vendita d'üna abitaziun ad esters

Il capo prelegia üna dumonda per ün permiss da cumprita d'üna abitaziun per üna famiglia tudais-cha. Il Cumün ha fixà üna quota da max. 49 % sco part per vender ad esters. Causa chi's tratta dad üna abitaziun in ün edifizi existent sto gnir fat la dumonda per ün permiss. Tenor l'inspectorat dal register funsil po il cumün dar ün permiss special scha i da buns motivs. Causa chi nu surpasa in quel stabilimaint, chi consista our da 6 abitaziuns, la quota dad esters da 49 % decida il Cussagl cumünal da gnir incunter a la dumonda.

461 620.501.08 Sanaziun Plaz
Scumpart electric Plaz

Davo avair tut cogniziun l'offerta decida il Cussagl cumünal da surdar la seguainta lavur:

1. Electrant e chaista da scumpart
Energia Engiadina, Scuol fr. 28'753.40

462 700.501.07 Sanaziun dals bügls
Sanaziun dal bügl a Plaz

Davo avair tut cogniziun dal reasunt da las ofertas decida il Cussagl cumünal da surdar las seguaintas lavurs:

1. Lavurs d'impressari
Bezzola Denoth, Scuol fr. 13'990.30

In quist connex piglia il Cussagl cumünal cogniziun da l'idea (entrada als 16 avrigl 2010) da sar Cla Sarott co chi's pudess, our da sia vista, fuormar il cuntegn da Plaz.

463 830.365.02 Contribuziuns vi dad occurrenzas
Kino open air 2010

Alternativ al Festival da teater vain organisà mincha duos ons ün kino open air in Plaz. Vezziond il grond success decida il Cussagl cumünal da contribuir fr. 1'500.-- pel intent (preventiv turissem).

464 810.503.02 Magazin cumünal Tuols
Banc da maister pel magazin cumünal

Il Cussagl cumünal piglia incunter las spiegaziuns dal schef da god e decida da dar liber ün credit per aquistar ün banc da maister (Werkbank) pel lavuratori cumünal pro la firma Debrunner Acifer AG, Landquart per fr. 4'230.35 (rebass 20 %).

465 810 ADMINISTRAZIUN FORESTALA
Ingaschamaint Schimun Grass

Il Cussagl cumünal decida d'ingaschar causa blera lavur a Schimun Grass a partir da subit per ca. 1 mais per lavurs aint il god. Il stagional Oswald Pichler cumainza quist on sia lavur als 3 mai 2010.

466 Orientaziuns

Radunanza chüra d'uffants

La schefa da sanità orientescha sur da la radunanza da la chüra d'uffants d'Engiadina Bassa. La società spordscha plazzas da chüra per uffants in famiglias da di, in famiglias grondas e davent dals 16 avuost 2010 eir plazzas illa canorta planisada a Scuol.

Sunteri

La schefa da sunteri orientescha cha sar Joachim Wurster chi d'eira respunsabel per la cultivaziun da fossas haja surdat sia carica a dna. Ursina Margadant ed a sar Gisep Stricker. Il Cussagl cumünal piglia cogniziun da l'infuormaziun.

PEB

Il capo orientescha sur da la radunanza regiunala chi ha gnü lö als 13 avrigl 2010 a Sent. La radunanza ha tanter oter fat bun la revisiun parziala dals statüts da la PEB ed implü es gnü fat bun il quint annual pel on 2009.

L'actuar: